



## Bab 5 Ejaan Lazim

Sebagaimana yang diterangkan dalam Bab 2, ejaan lazim ialah sistem ejaan yang menggunakan vokal persis ejaan Rumi. Hanya suku kata tertutup yang bervokal 'a' dan 'e pepet' tidak dieja dengan huruf vokal dalam ejaan Jawi.

Rumi	Jawi		
	(pada permulaan suku kata atau perkataan)	(pada pertengahan suku kata tertutup)	(pada penghujung suku kata)
a	ا	(tiada huruf)	ا
e pepet	ا	(tiada huruf)	--
e taling	اي	ي	ي
i	اي	ي	ي
o	او	و	و
u	او	و	و

Contoh-contoh ejaan...

Suku kata Jawi bervokal 'a' menggunakan vokal 'alif' melainkan pada suku kata tertutup:

abang (ابغ), ambil (امبيل), bola (بولا), rama-rama (راما٢),

mangga (مغكا), sandar (سندر) dan pangkal (فغكل).



Suku kata Jawi bervokal 'e pepet' tidak menggunakan huruf vokal melainkan 'alif' pada awal perkataan:  
emas ( امس ), enam ( انم ), erti ( ارتي ) perang ( فرغ ), bentang ( بنتغ )  
dan sengkawang ( سغكواغ ).

Suku kata Jawi bervokal 'e taling' menggunakan vokal 'ya':  
enak ( اينق ), merah ( ميره ), leper ( ليثير ) dan deret ( ديريت ).

Suku kata Jawi bervokal 'i' menggunakan vokal 'ya':  
ikan ( ايكن ), gigi ( كيكي ), rintih ( رينتيه ) dan bimbing ( بيمبيغ ).

Suku kata Jawi bervokal 'o' menggunakan vokal 'wau':  
orang ( اورغ ), sopan ( سوغن ), lorong ( لوروغ ) dan sombong  
( سومبوغ ).

Suku kata Jawi bervokal 'u' menggunakan vokal 'wau':  
ular ( اولر ), suku ( سوکو ), burung ( بوروغ ) dan puncak ( فونچق ).

Kelak pelajar akan faham bahawa bagi suku kata yang mengandungi vokal 'a', tidak semua suku kata sedemikian yang menggunakan vokal 'alif'. Ini berlaku berdasarkan **hukum ejaan** 'tradisi', 'luar derlung', 'kaf-ga' dan sesetengah suku kata dalam hukum 'ha dan aha' atau bagi perkataan yang mengandungi tiga atau lebih suku kata.



Contoh:

raja (راج), bapa (باڤ), sama (سام), ada (اد), pada (ڤد), maka (مك), suka (سوك), duka (دوك), juga (جوڤ), semoga (سموڤ), harimau (هريماو), bahaya (بهاي), bahasa (بهاس) dan masyarakat (مشاركة).

Pelajar juga disarankan merujuk kepada Bab 2 untuk penerangan tentang **homograf** yang juga melibatkan penggunaan huruf 'alif' dalam suku kata tertutup bervokal 'a'.